

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

3. Officiales & Ministri Principum.

[urn:nbn:de:hbz:466:1-68709](#)

in omnes auferendi occasionses intenta , & celeriter in alienas opes invollet : tum quia male parta , citò male perduntur ; & divitiae ab uno avolent ad alium. Innuitur hoc Harpyiarum nominibus , nam *Aëlio* , est quasi *ελῶν ἀλλο* , id est , alienum tollens. *Ocypete* , celeriter auferens. *Celano* nigrorem significat ; nam candidum nihil & sincerum ab avaro exspectes. *Harpiæ* vocantur απὸ τῆς ἀγραζεων , à rapiendo. *Pallida* semper ora habent fame inexsaturabili , & plus quam canina , juxta illud : *Semper avarus eget*. Turpissima est Avaritiae ventris proluvies , nam

Quò plus sunt potæ , plus sitiuntur opes.

Ecclesiastæ dictum est cap. 5. *Avarus non implebitur pecunia*. Nam illi tam deest quod habet , quam quod non habet. *Unca manus* sunt Avaritiae , scilicet ad trahendum , non ad dandum. Psaltes regius conqueritur Psal. 9. *Insidiatur , ut rapiat pauperem ; rapere pauperem , dum attrahit eum*. Id est , avarus & impius insidiatur , & conatur rapere pauperem , & prædam suam facere , dum attrahit eum in rete suum dolis , fraudibus , violentiâ. *Tristius haud illis monstrum* , nempe , Harpyias ; Est enim avaritia dirissima generis humani pernicies , testante Siracide c. 9. *Avaro nihil est scelestius*. Nam ex nimia acquirendi cupidine proveniunt usuræ , furta , fraudes , lites , seditiones , cædes , expilationes pauperum , venditiones legum , everfiones juris , fidei , honestatis . 1. Timoth. 6. *Radix omnium malorum est cupiditas*. Juvenalis Sat. 14. hoc ipsum vidit :

— Sed quæ reverentia legum ,

Quis metus , aut pudor est unquam properantis avari ?

Id est , diteſcere festinantis. Consentit vetus dictum :

Cui nihil satis est , eidem nihil turpe est.

III. (c) Sunt , qui Harpyias applicant Ministris Aulicis , Officialibus Principum , Rationariis , Quæstoribus , ærarii Præfectis , qui virginæas præ se facies ferunt , dum commoda Fisci , iussa Principis , fidem & fidelitatem suam prætendunt ; interim uncis anguibus rapiunt , abscondunt , & se se aliorum fortunis ditant ; donec *Zetus* aliquis aut *Calais* (quorum hic απὸ τῆς καταστροφῆς , hoc est , ab honesto , ut Alciatus observat ; ille à *Centen* , quaerendo nuncupatur) vir , inquam , quæsitor honesti , cui salus Principis , Reipublicæ emolumentum , patriæ incolumitas , ipsa denique justitia cordi est , cæcutientem Principem (nempe *Phineum*) de periculo admoneat , administrationem in melius restituat , & substitutis publicæ rei curatoribus , in subdolorum locum , Harpyias illas usque ad Strophades insulas , hoc est , ab officijs suis ejiciat tanquam improbos Jovis , hoc est , Principis , canes , quales Harpiæ appellabantur. Rectissimè Sapiens Pro-

(c) *Officiales & Ministræ Principum*

B b 2

verb.

verb. 21. *Rapine impiorum detrahent eos, quia voluerunt facere judicium.*
hoc est, rapinæ, & opes raptæ, quæ impios in altum opulentia, potentia, dignitatis fastigium evixerunt ; hæ ipse paulò post velut pondus plumbeum eos detrahent à suis honoribus & muneribus, propter violatam justitiam. Alii Harpyias triplex hominum genus esse volunt, qui Reges ac Principes miserè vexant, oculos mentis fascinant, eorumque facultates ad se rapiunt, scilicet Adulatores, Delatores, Fœneratores.

IV. (d) Per Harpyias etiam possunt denotari rapaces & prodigi avarorum parentum filii ac heredes. Phineus à Diis excæcatus est, quod suos ipse filios exoculasset. Faciunt hoc parentes, magis solliciti, quantum pecuniæ, quam quantum probitatis filiis relinquant. Unde plerumque prodigos & profusos sortiuntur heredes, qui male acquisita, peius dilapidant. Virginea quidem facie blandiuntur non raro liberi parentibus, speciem aliquam honesti, & virtutis amorem simulant ; postquam vero clauerunt oculos progenitoribus suis, & eos extulerunt, tum vero uncis & rapacibus digitis in eorum opes involant, capiunt, rapiunt, & quæ voracem in ventrem ingesserunt, cito iterum per luxum profundunt, & exhauiunt. Horatius de his canit lib. 2. od. 14.

Absumes heres cæcuba dignior,
Servata centum clavibus, & mero
Tinget pavimentum superbo.

Adagione fertur : *Si vultur es, cadaver expecta.* Quod in rapaces heredipetas convenit ; qui, sicut vultures discerpunt unguibus cadavera, sic avitas & paternas opes, ipsis relictas, dilacerant & dissipant.

V. (e) Ad Harpyiarum fabulam etiam illi pertinent, de quibus Salomon Prov. c. 21. *Qui congregat thesauros lingua mendacii, vanus & excors est, & impingetur ad laqueos mortis.* Opes enim lingua mendaci, hoc est, per injustitiam partæ redeunt in jugulum parantis, & velut Harpyiae eos stringunt, strangulant, suffocant. Cuiusmodi sunt primo Indices, qui auro corrupti mendacem ferunt sententiam. Secundo falsi testes, qui fidem venduant nummis. Tertio, Advocati, qui ob lucrum iniquam defendunt causam. Mercatores, qui mentiendo vitiosas, aut nimio pretio indicatas extrudunt merces. Quinto, Adulatores, qui nequiter assentando crumenas emungunt virorum dicitum & Principum. Sexto, Chrysopæi, qui profitentur artem faciendi auri, & fumum pro fulvo metallo reddunt. Septimo, Quicunque quacunque ratione dolosè, fraudulentèque colligunt nummos ; Omnes harpyiae rapacissimæ, & virginæ

seu

(d) *Prodigi heredes.* (e) *Varia varia rapientes Harpyia.*

